

**Ingerlatseqatigiiffinni Namminersorlutik Oqartussanit pigineqartuni siulersuisuni
siulittaasussanik toqqaasarneq pillugu apeqquteqaat aallaavigalugu oqallisigisassatut
siunnersuut.**

(Inatsisartuni ilaasortaq Jens Napātōk', Partii Naleraq)

Akissuteqaat

(Naalakkersuisut Siulittaasuut)

Aallarniutigalugu Naalakkersuisut Jens Napātōk, Partii Naleraq qujaffiginiarpaat ingerlatseqatigiiffinni Namminersorlutik Oqartussanit pigineqartuni siulersuisuni siulittaasussanik toqqaasarneq pillugu apeqquteqaat aallaavigalugu oqallisigisassatut siunnersuuteqarnera pillugu. Taamasiortoqarneratigut ingerlatseqatigiiffinni Namminersorlutik Oqartussanit pigineqartuni siulersuisut katitigaanerannut tunngaviit oqallisigineqarnissaat periarfissinnejarpooq.

Ingerlatseqatigiiffinni Namminersorlutik Oqartussanit pigineqartuni siulersuisuni siulittaasuusartut najukkami tunngaveqarlungillu nunatsinni pissutsinik annertunerusumik ilisimasaqartarnissaanik siunnersuuteqartup oqarnera isumaqatigaara. Ingerlatseqatigiiffiit inuiaqatigiit ineriaartornerat eqqarsaatigalugu pingaarutilerujussuarmik inissisimapput taamaattumillu ingerlatseqatigiiffiititsinni pisortat qullerpaat najukkani ataasiakkaani najugaqarlungillu suleqataasarnissaat pingaaruteqarlungi. Naalakkersuisut anguniagarivaat ilisimasaqarluartunik piginnaanilinnillu siulersuisoqartarnissaq, tassa ingerlatseqatigiiffimmik naleqartisilersarnermik misilittagaqarnerup piginnaaneqarnerullu saniatigut Kalaallit Nunaanni inuiaqatigiinnut tunngatillugu ilisimasaqarnissaq paasinninnissarlu soorunami piginnaasaqarfiusapput pingaarutillit.

Siulatorsuisut maanna katitigaanerannik misissuinermi takuneqarsinnaavoq, najukkamut tunngaveqarnerulersitsisoqarsimasoq, tassalu ingerlatseqatigiiffinni ataasiakkaani nunanit assigiinngitsuneersut sulipput, tamanna siulatorsuisuni siulittaasunut aamma atuuppoq. Ingerlatseqatigiiffinni Namminersorlutik Oqartussanit pigineqartuni siulatorsuisuni siulittaasut sumi najugaqarnerisa missuataarnerisigut pissutsit massakkut ima isikkoqartut takuneqarsinnaapput. Siulatorsuisuni siulittaasut aqqanillit Kalaallit Nunaanni angerlarsimaffeqarput, marluut Danmarkimi angerlarsimaffeqarput aamma ataaseq Norgemi angerlarsimaffeqarlungi. Ingerlatseqatigiiffiit tamarmik ingerlatseqatigiiffiup pisariaqartitai niuernermilu piumasaqaatai aallaavigalugit piginnaasanik aalajangersimasunik pisariaqartitsisarput.

Naalakkersuisut suliassaqarfimmi periuseq atorneqartoq pitsanggorsarpaat, matumanilu nunatta qitiutinneqarnissaa aammalu aktiaateqarluni ingerlatseqatigiiffinni Namminersorlutik Oqartussanit pigineqartuni siulatorsuisunut ilaasortanik pikkorissunik piginnaasalinnillu katiterinissaq pingaaruteqarlungit. Ingerlatseqatigiiffiit niuernikkut nunatsinnilu susassaqarfisa politikkikkut siunnertalersornerini aallunnerini pitsaanerusumik ingerlatsinissaannik taamatuttaarlu ingerlatseqatigiiffiit kalaallinit kalaallillu pillugit pigineqarnerat pillugit erseqqissaanermik qulakkeerinninnissamut tamanna periusaavoq.

Ingerlatseqatigiiffinni Namminersorlutik Oqartussanit pigineqartuni piginnittutut allaffissorermi suliassat Naalakkersuisup Siulittaasuata Naalakkersuisoqarfiani isumagineqartarput. Suliassaq taanna maannakkut *Aktiaateqarluni ingerlatseqatigiiffinnik Namminersorlutik Oqartussanit pigineqartunik aqutsilluarnissamut Naalakkersuisut najoqqutassaliaat* 2012-imi Inatsisartuni partiinit tamanit tapersorsorneqartoq naapertorlugu sularineqarpoq. Maannakkut Naalakkersuisut najoqqutassanik piovereersunik nutarterippuit, matumani aktiaateqarluni ingerlatseqatigiiffinnut piginnittuunermut politikki nutaaq, ullutsinnut naleqqunnerusoq aktiaateqarlunilu ingerlatseqatigiiffiutitsinnik piginnittuunermut tunngatillugu naatsorsuutinik pitsaanerusunik pilersitsisinnaasoq sularalugu. Piginnittuunermut politikki nutaaq siammasissumik tunuliaqtserneqartoq qiningaaffiillu arlallit atasussaq sularineqassaaq, suliami matumani partiit Inatsisartuni ilaasortaataqartutakuuillugit suliaq ingerlanneqassasoq Naalaklersuisut siunniusimavaat. Nunatsinni pigisatta iluaquataallutik ingerlatsinissaannut nunatta piginnittut tatiginartuullunilu siunnerfeqartumik ingerlatsinissaan aningaasarsiorntsinnut isumaqarpoq, qilanaarpungalu suliap tamatuma politikkikkut peqataaffigineqartumik ilusilersornissaanut.

Naggasiullugu erseqqissaassutigineqassaaq ingerlatseqatigiiffinni siulersuisut ilisimasalinnit katiterneqartarnissaat Naalakkersuisunit pingartinneqarmat, tassungalu atatillugu ilaasortat siulersuisunilu siulittaasuusartut amerlanerusut nunatsinni najugaqartuunissaat sulissutigineqarlni. Taamaattorli eqqaamasariaqarparput suliffeqarfiutta nunatta avataanut sammiveqartut siulersuisoqarnikkut nunanut allanut misilittagalinnik pisariaqartitsillutillu pisariaqartitsilfersinnaasarmata.

Naalakkersuisunit taamatut oqaaseqarluta Inatsisartut oqallinnissaat qilanaaraarput.